


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-67	Al-Mulk	30	2	Makkiyyah	Ke-77	7



### **Zaman Diturunkan**

Surah al-Mulk diturunkan setelah da'wah terbuka dilancarkan oleh Rasulullah di peringkat kedua kehidupan Baginda di Mekah, besar sekali kemungkinan ia diturunkan pada tahun ke-4 Kenabian. Ketika itu pemimpin-pemimpin Quraisy tegar dengan kekufuran mereka (Ayat: 6). Selain menolak seruan tauhid dan percaya kepada akhirat yang disampaikan oleh Rasulullah, mereka juga tidak mempedulikan kedudukan Baginda sebagai نَذِير (Ayat: 8, 9 dan 26). Mereka sebaliknya menuduh Rasulullah sebagai sesat في ضلالٍ كبيرٍ (Ayat: 9) dan في ضلالٍ مبينٍ (Ayat: 39). Surah al-Mulk dilihat dari sudut tema, dalil-dalil dan kepadatan isi kandungannya di samping gaya bahasanya yang begitu menarik menyerupai Surah Qaaf.

### **Kelebihan Surah Al-Mulk**

1. Rasulullah s.a.w. selalu membaca Surah al-Mulk sebelum tidur بِبَيْدِهِ الَّذِي تَنَزَّلُ وَتَبَارَكَ الَّذِي بِبَيْدِهِ الْمَلِكُ Bermaksud: Jabir bin `Abdillah meriwayatkan bahawa Nabi s.a.w. tidak tidur sebelum membaca الْمَلِكُ dan تَنَزَّلُ. Sunan Tirmizi, Bab Kelebihan al-Qur'an, Bab Berkenaan Surah al-Mulk, hadits 2,892.
2. Surah al-Mulk adalah satu surah yang menjadi penghalang kepada azab kubur dan boleh melepaskan seseorang daripada azab kubur هِيَ الْمَانِعَةُ هِيَ الْمُنْجِيَةُ تُنْجِيهِ مِنْ عَذَابِ الْقَبْرِ. Hadits riwayat Tirmizi daripada Ibnu Abbas, hadits 2,890.
3. Ia akan memberi syafa'at kepada pembaca-pembacanya إِنَّ سُورَةَ مِنَ الْقُرْآنِ ثَلَاثُونَ آيَةً شَفَعَتْ لِرَجُلٍ حَتَّى غُفِرَ لَهُ Bermaksud: Sesungguhnya ada satu surah di dalam al-Qur'an ada 30 ayatnya, ia akan memohon syafa'at untuk pembacanya sehingga ia diampuni Allah. Surah itu ialah تَبَارَكَ الَّذِي بِبَيْدِهِ الْمَلِكُ (Surah al-Mulk). Hadits riwayat Tirmizi, Bab Kelebihan al-Qur'an, Bab Kelebihan Surah al-Mulk, hadits 2,891, hadits hasan.
4. Surah al-Mulk akan membela pembacanya di akhirat nanti خَاصَمَتْ عَنْ صَاحِبِهَا حَتَّى أُدْخِلَتْهُ الْجَنَّةَ وَهِيَ تَبَارَكَ الَّذِي Bermaksud: Ia akan membela pembacanya sehingga memasukkan pembacanya ke dalam syurga, iaitu تَبَارَكَ الَّذِي Hadits riwayat Thabarani di dalam al-Mu'jam al-Ausath, hadits 3,654.

### **Perkaitan Surah Al-Mulk Dengan Surah Sebelum Dan Selepasnya**

Di dalam ayat ke-8 Surah al-Tahrim terdapat doa memohon مغفرة dan نور, syarat-syarat penerimaan doa itu disebutkan di dalam Surah al-Mulk. Orang-orang yang menerima seruan tauhid akan berhak mendapat keampunan daripada Allah yang bersifat dengan الغفور (Maha Pengampun) (Ayat: 12).

### **Beberapa Kata Kunci Dan Tema Utama Surah**

1. Surah al-Mulk adalah satu surah yang lengkap, di dalamnya terdapat seruan kepada ajaran tauhid,



kerasulan dan kepercayaan kepada hari akhirat. Ia dikemukakan berpandukan dalil-dalil.

2. Ahli neraka bukan sahaja akan mengaku mereka telah mendustakan rasul masing-masing, bahkan mereka juga telah mengatakan rasul-rasul itu sesat فِي ضَلَالٍ كَبِيرٍ (Ayat: 9). Rasulullah s.a.w. juga didustakan dan dikatakan sesat فِي ضَلَالٍ مُّبِينٍ.

3. Firman Allah فَسَتَعْلَمُونَ مَنْ هُوَ فِي ضَلَالٍ مُّبِينٍ (Ayat: 29) mengancam orang-orang Quraisy bahawa tidak lama lagi kamu akan tahu siapa yang sesat, kamu atau Rasulullah.

4. Perkataan نَذِيرٌ telah digunakan sebanyak 3 kali di dalam surah ini (Ayat: 8, 9 dan 26). Tanggungjawab Rasulullah yang utama ialah إِنْذَارٌ memberi amaran dan ancaman, perbuatan إِنْذَارٌ itu merupakan penyempurnaan hujjah dari pihak Allah. Penjaga neraka juga akan bertanya orang-orang yang masuk neraka dengan pertanyaan: "Tak pernahkah datang kepada kamu pemberi ancaman?"

5. Di dalam surah ini, perkataan مَنْ digunakan beberapa kali, melaluinya مَنْ دُونِ اللَّهِ dan غَيْرُ اللَّهِ diperlekeh dan kekuasaan serta keagungan Allah pula dibuktikan.

(a) (Ayat: 20).

أَمَّنْ هَذَا الَّذِي هُوَ جُنْدٌ لَّكُمْ يَنْصُرُكُمْ مِّنْ دُونِ الرَّحْمَنِ

20. Bahkan siapa dia yang menjadi tentera bagi kamu, yang akan menolong kamu selain dari Allah Yang Maha Pemurah?

(b) (Ayat: 21).

أَمَّنْ هَذَا الَّذِي يَرْزُقُكُمْ إِنْ أَمْسَكَ رِزْقَهُ

21. Atau siapa dia yang dapat memberi rezeki kepada kamu jika Allah menahan rezekiNya?

(c) (Ayat: 30).

قُلْ أَرَأَيْتُمْ إِنْ أَصْبَحَ مَاؤُكُمْ غَوْرًا فَمَنْ يَأْتِيكُمْ بِمَاءٍ مَّعِينٍ ۝

30. Katakanlah lagi: "Bagaimana fikiran kamu, sekiranya air kamu hilang lenyap (di telan bumi), maka siapakah (selain Allah) yang dapat mendatangkan kepada kamu air yang sentiasa terpancar mengalir?"

Tujuan soalan-soalan ini dikemukakan ialah supaya manusia menolak kesyirikan, mengakui kekuasaan Allah dan sedar tentang betapa lemah dan tidak berupayanya غَيْرُ اللَّهِ.